

皂轟鋒刀長牙巨獸天之命今生靈是祐
慈造回顛神感息咎保佑一家康寧富壽

臣衆等志心歸命中央行瘟鍾使者

伏以先聖所制亘古流傳必須顯跡於神通
然後隨方而祭祀據壇祠而遵天命居境域

以顯威靈旨酒佳釀列杯拜而豐潔朱甍碧
瓦設堂殿以深嚴或道教之真仙或釋門之

大士或往古之英烈或上世之賢良或畫繪
以作容儀或挺土而成相貌享一方之供獻

納千里之瞻依以今信士某是以絳蠟搖紅
紫檀凝霧人皆欽仰士庶歸依法衆虔誠謹

當讚詠
郡邑靈神人之主宰社令城隍血食千載
祠廟靈祇名彰英彩亘古名賢周遊四海

一方祭祀豈容有改願回洞鑒來臨莫愷
保佑一家永無驚駭

誦經 宣疏 化財 回向

正一強司辟毒神壇儀錄

離明瑞象燈儀

法事

恭聞大道昭昭不言善應小心翼翼有禱必
通臣等謹炷真香虔誠上啓

南方大聖三炁火德英威執法真君丹天赤

皇上道真君南宮執法延壽司錄君火祖燧
人帝君火正商丘宣明王火正闕伯大神大

火析木神君祝融炎帝輔爻具官回祿神君
左六位仙官右六位仙官離明宮內主火靈

妃流金火鈴宋將軍五方火殃使者火驟火
馬火弓火箭神君大部合屬威靈恭望

聖慈俯垂洞格普仗真香悉同供奉暮入君
伏以坎北流行大巧無私於挺植生育長養

有形畫屬於明離根著允賴於蕃滋品彙悉
沾於亭毒聖人乘風而取象君子申命以治

民居常則立不易方在益則過而思改敢據
素悃上瀆皇鈞輒依法以然燈儼在天而炳

耀今辰建醮祈安信士某等比觀焚如之警
版依主罰之司延星侶於瑤壇仰靈存於碧
落恭對英芒之下特陳蟻蟻之私冀格精衷

均膺洪範法衆運誠讚揚聖號

奉南丹祀壽天尊

臣等志心皈命南方至真大聖英威執法
星君離宮神仙東和諸靈官

臣聞妙道儲精鍾南丹之正炁離明育物總
炎帝之威靈仰惟

南方火德英威執法真君德合正陽位尊眾
曜管寰宇昊陰隲生靈密持造化之權默運

至公之化周流示象現伏有時凡屬照臨敢
忘欽向今辰建醮然燈信士某等生居

帝土命係星躔行藏恐慢於天常動止有乖
於日用每懷修省實切畏兢憑羽士以傳誠

冀神光而容與移宮退舍既聞前古之言宥
過消愆俯繼今時之禱群黎百姓蒙陰佑而

弭惡消災萬戶千門沐照臨而覃恩錫慶專
早長幼安靖和平稽首皈依虔誠讚詠

奉南方火德星君

明離毓德火宿儲靈神威震景品彙咸榮
百毒火電誠灼邪精束縛九醜摧滅魔群
奉行威令備守天經群生傾仰永保安寧

臣等志心皈命南方丹天赤皇上真道君
大火折木神君離宮神仙東和諸靈官

臣聞陶鑄形神榮感治離明之府文蒸品彙
朱明宰玉眸之宮推運災祥鑑明善惡無物
不承於照燭有情皆託於輝光凡有請祈均

蒙感應今夜建醮祝燈信士某等言念飽溫
自適過咎惟多恐運去以時乖致災生而禍
至輒籲天而請命庸謝過以祈恩消穰回祿

之災驅殄單方之孽同塵共井永逃爛額之
虞接屋連甍不懼燈原之禍人人按堵物物
皆春稽首皈依虔誠讚詠

舉赤皇上真道君

赤皇應象德兼丹天 執天之法 宰制斯權
留伏分野流鈴當前 魔旌萬里 察奸糾愆
誓堅實畏 神具矜憐 永懷皈依 賜福綿綿

臣等志心皈命南方執法延壽司祿真君
左六位仙官火部神仙東和諸靈官

臣聞赤帝握符乘火衡之昌運皇天愛物當
夏日之咸亨正國祚之重光應離明之三炁
萬物相見適當茂實之期百昌嘉生旺以丙

離明瑞象燈儀

丁之地仰憑昭晰俯鑑丹衷式薦溪毛暫停
風馬今辰建醮祝燈信士某等言念奉與蒼
生均叨洪化例切經營之急寧無稔積之愆
茲知就燥以為憂輒敢籲天而有請式陳醮
禮祇遵應輪親垂降鑑之私誕錫安寧之祉

火曰炎上永無直突之虞人在其中常協大
來之慶巢安幕燕殃殄池魚稽首皈依虔誠
讚詠

舉執法延壽真君

離明正炁執法專司 顯靈警誠 日鑑在茲
威神赫烈 正直無私 禍淫福善 否泰由斯
丹誠上達 觀格回慈 道之功用 永度屯危

臣等志心皈命火祖燧人帝君火正閼伯
大神右六位仙官離宮神仙東和諸靈官
臣聞炎上曰火由失性以延災蓋高者天感

以誠而必達軫念有生之衆動成愛累之愆
故下士之無知致真司而行罰鉅焚烈殆慨
玉石以俱消爛額焦頭感比鄰而相救黥賴
神明之祐幸逃煨燼之虞爰祗事於真旂庸
少伸於謝臚今辰建醮祝燈信士某等率勵

齋莊之衆皈心造化之宗例秉忱誠同微福
惠熱惱析冰消於烜燥起居冀世樂於清涼
四境無火吹之憂萬井協難鳴之喜物消疵
癘災免燎焚稽首皈依虔誠讚詠

舉火祖燧人帝君

丹罡示象 火祖應真 執天之令 民之畏寅
維南有箕 庶物咸榮 撓捨去惡 至妙難明
總括萬化 秉以機衡 家邦是賴 永鎮清平

臣等志心皈命祝融輔爰真官回祿神君

丙丁將軍火鈴使者離宮神仙和諸靈官
臣聞火運司天萬物咸資於長養陽靈御極
百昌悉自於陶成仰周乾象之盈虛俯察坤
輿之否泰行無常度莫窺盈縮之端數異躔

經孰究機祥之兆矧在照臨之內敢忘欽奉
之勤遙睇明威式微繁嘏今辰建醮祝燈信
士某在壇東信人等言念稟生謫薄賦性愚
蒙惟知逐利以謀生罔悟省躬而遠罪特消
塵宇昭露丹忱仰祈善貸之仁用贖多生之
咎家庭宅舍諧滋至泰和之休閭里比鄰免
連延不測之患晨炊暮爨永服於徒薪夜

寐夙興安常叨於磐石咸仰無私之照均蒙
至治之仁稽首皈依虔誠讚詠

奉祝融輔交真官

仰崇炎帝赫赫厥靈維燧命祖福我斯民
監臨不遠警戒昭明惟善是修惟惡是懲
齋心以祀普錫安榮威靈所主莫敢不承
志心皈命願保康寧

衆諷神呪

南方丹天赤靈所專威光烈焰施化不偏
火龍一飛照耀無邊大馬一躍萬里盤旋
火鷹一迅鼓翼無前火鈴一撼洪音遠宣
火瓢一發到處生煙火劍一下諸魔伏虔
火索一舉百邪自纏火旗一展號令肅然
火節遙指孰敢當權威德及物長養生全
逆令返正炎災灼天鑑善不遺削罪除愆

祝燈偈

昔奉天尊教 稟令守炎方 今奉天尊教
聞善降吉祥 家有天尊呪 火部不為殃
家有天尊呪 火勢息威光 家有天尊呪
火怪自潛藏 家有天尊呪 諸魔自滅亡

家有天尊呪 災厄自消穰 家有天尊呪
財物得阜昌 家有天尊呪 宅舍得安康

輿經 宣疏

伏以曲突徙薪敢昧格言之訓負荆請罪必
從至禱之誠炎燧收煙人民按堵向來祝燈
功德無限良因敬用回向上奉

南方火德榮感執法真君丹天火部一切神

仙諸靈官衆仗此燈功普伸回奉伏願

錫之純嘏享于克誠回祿除殃永免焦頭而

爛額畢方消孽常臻列屋以安居焚燼之災

不侵康寧之福畢至四民樂業萬物蒙休為

上因緣志心稱念

南丹紀壽天尊

消災解厄天尊功德無量不可思議

離明瑞象燈儀

二燈儀同卷

黃籙九陽梵炁燈儀

黃籙九厄燈儀

黃籙九陽梵炁燈儀

法事如式 啓白

焚香供養

太乙救苦天尊九天生神上帝九陽梵炁天

君九州社令神君九幽地獄冥官冥府考治

一切聖衆

伏以混元本始藏三炁於太初神景含輝布

九光於霄極大塊既判元始開圖神寶惠靈

炁分羅絡恩流下土法出度人是以金籙垂

科雲編闡教紫微玉室光明空洞之中東極

碧霞變化始青之上本形有象煥爛八方文

彩垂芒廣長一丈秘九重之金格權七寶之

籌林妙炁結成靈風鼓奏壇司得請詳接引

以宣行幽爽業休獲開明而度化今齊官共

人披心大梵稽首太玄願賜九色之陽光照